

I. La Gana dē Val dē Mesdī.

Chianté ves chianti şegn dē bēla gana;
Ėl' abitā l plú gian anticamēnter
Val dē Mesdī, dormiva tē na tana,
— Inscī fageova troeč da vèdlamēnter —;
Les rōs, dē bēl pavé ghél dlonc corides,
6 Ė só confórt, da tan' d'atri mal'dides.

Gonót da n crēp a l'ater sbalč petāla,
Scēkē chiamūrē leşir, kō kīr pizades;
Fosá, valons con pīs asvēlt' pasāla;
Pizes, dal fūc del ton dūt spediades,
Gniva da kēla spiades e kirides,
12 Bēgn kō da búrtes niores soēnz corides.

Chiamūrē e lūs ed olps l'acompagnava
Per dūt' i crēp, per dūtes les valades;
Da bēsties mēstes k'ēla les tratava
Les defenóla chi da stlopetades;
Bēsties e gana in bēla pēz vivóva,
18 Gana e bēsties dagnóra gian s'odóva.

Tanina — kēs l'inom dē nósta gana —
Nē dē plú a mēnt ad áicia ed a carēzes;
Crüz tē só cūr scognóla e pēna grana,
Kīrī da n pēz incá d'i crēp altēzes,
Stā dīs intīrz sūn pič scēc incantada,
24 Vērs la valada in jū fita l'odlada.

Sùn Piz dē Boá Tanina fó sentada,
Dē vigni vèrs rodé sù oedli lasciàla;
Dlongia d'èla na chiòra stē jetada,
Sù bī oedli fit' sùn sùa sciòra, palsàla;
La gana ezaminava les valades,
30 Dē chi a les pizes soēnz cūrtes odlades.

Ten còlp sē frēma sù oedli sù na piza,
Fremé n bēl iágher l'oedl á iló a Tanina;
L chiamùrē, bampé l forèst, plù snèl kē tiza
Salta sù impè, sù dan la salvergina;
Da i sciorz k'èl pēta, rendenēš pizades:
36 La púra bèstia tēm lēs stlopetades.

L iágher, metù a mūs l stlóp lešīr, mešūra:
La gana, fat n sbalz, dan l chiamùrē sē pósta
Scèc gran regina dē la gran natūra;
L iágher, plēgn dē mervoia, snèl per respósta
Mēt l stlóp a téra, salodan Tanina
42 Rodan l chiapèl devèrs la salvergina.

L iágher — tlamé Gostin da Pecēi fóvel —
L stlóp sùl spinè, sen pēia via vèrs la gana;
Gonót sùn kī crēp plēgns dē nēi l'odóvel
Scrichian incēr dēr līgra e bèla sana;
Chi rajoné con èla plù òtes avel,
48 Mò, šē mai k'èl podó, sē stravardavel.

„N salùt a ti“, diš šēgn l iágher atira,
„E n baž a mi! kēsta è la penetēnza,
Kēsta, kē tó chiamùrē è vi, la guira;
Dē chiamùrē pēl incù k' i restē zēnza.
Perchí mai, di, m'as fat kēsta ria trúfa?
54 Dē té matades vigni iágher sē stúfa.“

„Chiamùrē magari dūt' per mé copèdē,
Mò kēs kiló — a sù cór bī blanc' l conēscen —

Lascemë in péz, dë mal val n'i fagèdë!
Con só vadagn les ganes obedescen;
Desfortonè, crëi mel podès, devënta
60 Ki k'in val móda mi chiamürë tramënta."

Inscí digeó la gana, jona e bèla.
Gostin intan còsidera Tanina,
Dë fa kës ál şëgn dër bèl dë la orèla;
Plù dë vign' atra i sala incù belina;
Plù k'ël i chiara, plù fina t'i péla,
66 Plù dë vign' atra mÿta per l bèl véla.

Dë l iágher i pensîrz conës la gana,
Mò fëz, acórta, scèkë nia në fòssa.
N' odlada dála ai crëp dë Cól dë Lana,
Al Nuvoláo, a Pùdres e Cróda Ròsa,
Vëga les níores plënes dë tempèsta,
72 Kë fëz a pizes, crëp, valz, bósc' gran fësta.

Da lonë brontóra l ton e së berdòra,
Dë tëmپ in tëmپ sdloмина val ria saita;
Şëgn spiza les orëdles chi la chiòra.
Lascian dë fa con súa gana bèla ita;
Dë Boá la piza è bèl da dī corida
78 Da níora dūt a fòsc incolorida.

L tëmپ manacé da dī ten bót romp fóra;
N tarlù dūt brum les níores bases skérza,
Troep plù fòsces kē d' Africa na móra;
Na seconda tarloiada e spó na térza
È da tonades sēches compagnades
84 E da gran spaventòses gracenades.

In pè sbalza Gostin, la gana l frëma,
L fa resté sòt al tëmپ sùn kël crëp óla
E rí dë kël giarina per súa tēma;
Dë varí maratia tala sē próla;

Per ëla tons, tarlùis e gran tempèsta,
90 Vënt, plòia, granizores è bèla festa.

Kël tēmp në dūra dī per gran fortūna,
Plù in jù vèrs Ágort alden şēgn súa rabia,
Sòt la Civèta e l Pélmo, iló ál la cūna.
La mont dē Boá sē vist indó da sabia,
Sorēdl dad inozēnt ciittia indó fóra,
96 Les níoires despartides va in malóra.

„Gostin“, diş şēgn la gana con frankēza,
„Tó la podons, şē t'ós, vèrs la valada
Dùt salvara, mò impó dē gran belēza;
Kē masa lizia ed érta sī la strada,
Mē tēmi stérc, mò t'as na bona maza
102 E t'ès — chiamó troe mīch — de bona raza.“

Val dē Mesdí vè longia bëgn dūs òres,
Dal nòrd al sūd a bisca stórta vala,
Érta da vigni pért da gi a berdòres,
Dùt róa, saş, crēp, d'inrè d'érba na pala,
Strēnta t'a mēz, per l plù dē nēi corida,
108 Ma sòl al pè dē salvergin saorida.

Plù in it k'an va, la vèghen plù salvara;
Dlone crēp, pizades kina al cīl alzades,
Per l plù corides dlone da gran chialvara;
Dlaces vigni momēnt, sù a l'alt stacades,
In mil tóć' spediiciades sprinza a téra;
114 Púr kēl kē rúa sòt itō, ël la paia chiéra!

La fin dē kēl valon pé dlone sērada:
Dlacia e nēi dant, a dërta e ciampa pizes,
Tra kēstes dòl chiamins con nēi dlaciada,
Da vigni pért sbojada da gran spizes;
Un a ciampa, l second vèghen a dërta,
120 A mēz kiş dòl la dlacia lizia ed érta.

Tanina lascia piz dē Boá contēnta,
Dal bon Gostin dūt mól acompagnada,
Sē trapina jū pért per na val strēnta,
Pasa tōc dlongia n léc dē nēi dlaciada,
Incū chiamó tlamé „léc dē la gana“
126 E rúa pró n búš, kē pé dē la òlp la tana.

„Kēš è kiló mi albérc“, diš šēgn Tanina;
„Dē pūr aspèt ascògnel gran belēza,
È laoré da it da man espérta e fina,
Dē vigni vérs forni dē gran rikēza;
Dē d'ēl plū tért tē mōstri pa la strada,
132 Šē tūa senzeritē 'sará porvada.“

Gean despó inant, arjongi la forcèla,
Kē fēž corona strēnta a la valada,
K'è per gi jū la strada la plū snēla,
Bēgn k'ērta e búrta e strēnta e dlone dlaciada.
Dant va la gana, giana ala lešira,
138 Dó spó l chiamúrē, tlamé dad ēla Zira.

L stlóp sūl spinè, la maza bēgn tegnida,
Fēž zēnza pòra l iágher na sbrisciada,
Sē tēgn sū dērt t'la val dē nēi corida
E fēž kina j'a pè na gran slitada;
La strada, a gi sū longia e prigorōša,
144 È jū pért cūrta e a l'espért nia sfadiōša.

Revá jū tē la val dūt' trēi sē frēmi,
Vēga nó lonē dad ēi na gran fontana;
Da tēmp, da crēp, da pēres, nē sē tēmi;
Per kēš palsa iló l iágher e la gana,
Intrami dòl la sēi tē m'i tormēnta,
150 Bēl tōc ún dlongia l'ater šēgn sē sēnta.

Scèkē crestal locēnt è l'ēga tléra,
Cēr ía dē bèla véža bèla frēscia,

Kě spizorěia da iló fóra dē téra,
Mil òtes plů gentila kē nó lěscia;
Iló sentá la gana e l iágher fóvi,
156 Iló dó ria fadia sē la godóvi.

Gostin prešěnta chiěz k'ěl á tē tascia,
Fěz tra d'ěl e la gana perts valives,
Mò vėla n'ó del bon chiažó e t'il lascia,
Ně mangia-insci digeóla-k'érbes vives;
Dlášenes, pries, múies ed inch nicióres,
162 Paròmores a móda dē les giaióres.

Intrami dòl fō plėgns dē contentěza,
Boióva, mangiā, vignũn a sũa manĩra;
Zěnza savěi perchi fói dūt ligrěza,
Seēc gěnt da mont kē vėgn cola baskĩra;
L chiamūrě inch fěz cěr ěi via sūs matades
168 E devertěš sē instēs con gran scrichiades.

Seēc gran sason da crěp bėgn mól sō staca,
Berdòra con šěšūr dē piza in piza,
E va rodan tē l'aria e ignó ně taca,
Mò sprinza e salta e va in mil tóe stiza,
Tiran con sé na róa dē saš intĩra
174 E va a feni t' la val in gran magĩra:

Con té šěšūr dōdēs chiamūrě odóven
Sprinzan šėgn dal chiamin, kē sta a man děrta;
N salvan con gran mazon oděi podóven
Fagean la chiacia t' něi dlaciada ed ěrta;
Chiacia paróva kėla desperada,
180 Dũta la val ně fō kē na fomada.

La gana chiara, vėga e spó comana:
„Ingigna l stlóp e vėga na fomada,
Mò kē la chiòra dant rěstē pa sana!
Mešũra frēm a l'últim dē la squadra!

Kël è, mō pël, n dër bēc dē gran parūda;
186 Meşūra e tōca e prēs sarāla odūda.“

Iust è sté l bót, del lonc è l bēc a téra;
Sù cór è zēnza fal, la bérba longia;
Púr bēc, súa gran belēza i á costé chiéra.
L salvan cōn gran saltons rŭva jŭ dlongia
E fēz dē s'orēi tó l chiamŭrē şēgn mōstra,
192 Mō só tórt èl la gana k'i desmōstra.

Tan bèla k'ē la gana dē natūra,
Tan bŭrt fōva l salvan, dŭt plēgn dē ciórda;
Só mŭs, sŭs mans, só cōrp cori coltūra,
Plŭ sgriciorŭs asà fól kē na córda;
Súa pël da gran' polans griş dŭt corida
498 È sòt na bérba spēsa sepolida.

Só bŭr gran chiē coriva longies tlines,
Mai in vita súa da pītē destlotades,
Mō sŭra dŭt som' nades dad odlines,
Sŭ i chiavēis, dē largiē dlone plēgns, tacades;
Les aondles fōva fosces, longies, bŭrtes,
204 Sŭs giames dŭt plēnes dē bōrba, cŭrtes.

L sēn per l chiamŭrē copé da man forēsta
Fageó chiamó plŭ bŭrta súa ria odlada;
Dē ban porvā la gana bèla mēsta
Del traté con manīra bēgn stodiada,
Mō n rī bodēl, kē nē capēs la crianza,
210 Nē convertēs nó grazia nó poşanza.

Da rī salvan manacel gran vendēta,
Tira crist', cospetons, scraions e blastēma;
— Da blastemé fól bon, ah marcadēta! —
Vignŭn ès a l'odēi e aldi abŭ gran tēma;
L bēl, l bŭrt, l bon, l rī, l sant, l mal, l dērt, l stórt moscēdel,
216 Dŭt chiēz kē dēsa sté scognŭ descēdel.

La gana ascòlta dī con gran paziënza
Kestes paróles búrtes sconveniētes,
Mò a la finada digela: „Con lizēnza,
Scòlta sēgn, bòchia lérzia! Tù tē mēntes,
Digean kē kiš chiamùrē è in túa baldanza
222 E kē t'as d'ēi tù sòl la padronanza.

L mich dē dūt èl lascé i chiamùrē in vita;
Èi fòrma dē nūš crēp la maiù belēza,
Nē fēz a d'gūn' dē mal e sē merita,
K'an i defēnē dūt' cant' con frankēza
In pè d'i fa la chiacia con na maza
228 E desdrù púc a púc dūta la raza.“

„Ah, sciòra gana, chiara, tan scicada!“
Respògn l salvan con rabia mal scognùda;
„A degūn' n'ái metù mai val tē strada,
Da mé plù kē dad atri a dūt' segùda;
Dē salté dó a chiamùrē ái bēgn la orèla,
234 Sī spó kiló o magari in Crēn dē Sèla.

Picera gana, scòlta na paróla!
Tē pēnses masa a gēnt dē la planúra,
Atramēnter la cós a èster nē póla;
Zēnza comé nē fòsses sēgn tan dūra;
Dē tó bèl iágher ès t'inamorada,
240 Èl è kēsta oritè a mé desmostrada.

Nòs, salvans, tē son masa stlèt', Taniua,
Da n pèz incá bèl l vèghi e mē n'intēni;
Mò sopérbia gonót á fat revina;
Tē gran desgrazia, s'i vèg dèrt, tē mēni
Ki ēi sòt kiš crepons, oh púra gana;
246 Mò chiara bēgn, segù sai, k'ēi t'ingiana!

Ki k'abitēia sòt kiš crēp la planúra,
È sta conòs e falč e rī dagnòra;

Sopérba e ria sǝ mòstra súa natúra
A vigni tǝmp, a vigni sazon e òra.
Tǝ sǝnši per n consǝi bon? Sís acórta,
252 Skiva dǝ kǝles chiaşes vigni pórtal!“

Sǝl sen va spó l salvan sù per la dlacia,
K'ǝrta sǝ vǝrǝ tra i dòl chiamins e lizia
Ed è gonót dǝ prigo, búrtal e riácia,
Cís per kǝ kǝ sùn dlacia tòma e slizia;
Mò l búr salvan con giama dǝr leşíra
258 La ponca a dǝrta sù e è sù insom atíra.

Jú pǝrt sen va la gana da contǝnta,
Con ěla va Gostin per la valada
Salvara, búrtal, longia asà, mò strǝnta;
Cúrta i fǝz l chiacolé la longia strada;
Revá sùl póst, k'an vǝga la planúra,
264 I vǝgnel dǝ mesǝi sǝ lascé ěr súra.

„Va“, diş la gana, bèla e dǝr saorida,
„Mò masa dǝ, prǝi bèl, nǝ sté pa fóral
Da té gonót orǝssi ěster kirida
Sù per kiş gran'dlacions, kǝ tǝgn a tóra;
Óimǝ dǝr bon insci k'it a ti dagnòra,
270 Spó gnarál'chi per nǝs val iadǝ l'òral!“

„Solamǝnter a ti dal dí trǝs pǝnsi,“
Respògn Gostin bèl snǝl con gran frankǝza;
„Chi la noet, crǝi mel pós, nǝ mǝ despǝnsi
— E fa l fǝgi có gian e con ligrǝza —
Dal somiè dǝ té, bèla pića gana;
276 Les stǝles, sǝ dút kǝş n'è vǝi, damana!“

Dites kestes paróles sǝ tralasci;
La gana fǝz da nǝ la strada fata,
Per kǝl dǝ rajoné d'ěla şǝgn lasci;
Dǝ nǝş iágher la stória ěl şǝgn kǝ trata;

Conté ves mësi a düt' con chiantia cūrta
282 E di jù al bas tē ki plans ki k'ēl ūrta.

Gostin, l chiamūrē sūl cōl, tōl la valada,
Saltan da n sas a l' ater scēc na chiōra,
Kē va sū per i crēp dlonc arpizada,
Asvēlta, bēgn lešira e zēnza pōra;
Ten cūrt ēl jū ed arjont āl la planūra,
288 K'ē tē ki paīs e zēnza ūa e zēnza ordūra.

L'ēga partēs dal bōsc la gran planūra,
K'ē denant per Colfōsc dē gran rikēza
E lonē e lērc la plū bèla pastūra,
Sī per la qualitē sī per larghēza;
Plū tērt á fat na bérta mal stodiada
294 Pra venūs dē la bèla pascentada.

Gostin, con trēi saltons āl pasē l'ēga,
K'ē tlēra plū kē spīdl e da bēi bona,
Dē fontana, mai nō dē nēi kē dlēga,
— Bon fēz lapró dē bon ciocio na sona; —
Per Plan da Merí vāl invérs la vila,
300 Mō sē frēma sòt Rūn dlongia na pila.

Chi k'á fermé da iló só var, aldidē!
A mēz ki chiamp sòt Rūn vèghel na mūta,
— Na plū bèla Ladina nē kiridē! —
Dē cōrp dobliōša vēla scēc na rūta,
Só mūs, plū ròst kē kēl dē na bambina,
306 Fagēssa gran invidia a na Trentina.

Só vestimēnt, nō ric, dē gran netēza,
Fēz, per i gi dēr bēgn ad ēla instēsa
Dant e dó, dē longhēza e dē larghēza,
Gran onór a la man dē sartorēsa:
N gormél, brum plū kē l cīl, cūr la gonēla;
312 Les chialzes è dē lana dēr morjēla.

Les manies, dē hī záindli bēgn fornides,
Fóva plú kē la nēi bēl frēscia blanchies,
Itē insom cēr les sciabls dūt corides,
Sciabls lérgeries e mai dal rī laúr stanchies;
Cēr l cól bēl blanc sdlomína na morona,
318 Per kēš èl soēnz l bon prò kē la sdlomona.

I chiavēis, scēc chiarbon fòs, pingolava
In dūs bèles e longies, gróses trēces
Jú per l spinè dēr bēgn formé e revava,
Sē devértian con érbes e con vēcēs
Askēs inkina ai pīš dē la Ladina,
324 K'ā per inòm, š'orēs gian savēi, Tina.

Plú lominuš kē dē variúl fō sù oedli
E da temēi per sūs vives odlades
Tan bēgn a dūt' i jon' k' a dūt' i vèdli;
Bēgn fat só nés, les cēies a fòsc tirades;
Só front pé dē crestal, súa piča bòchia
330 Féz a pérles preziošes blanchies lòchia.

„Có vala“, diš Gostin, „mia bèla Tina?
Chi féges pa kiló tē keš chiamp sòla,
Sconan la gēnt, a móda salvergina?
Nē tē sal bēl, olá k'èl è gran fòla?
Èl fòš amòr, kē tē croziēia e tormēnta?
336 O kires ciuf, val érbes o val mēnta?“

„Mat dē Gostin“, respògn ad èl la bèla,
„Nē sas pa, k'èl è incù na bèla festa,
K'an pórt a dlone in mēša tē scodèla
Chier, ròst, túrtēs, crafons, giái còla crèsta?
Dlone è nósta gran sēgra renomada
342 E dai forēsti scialdi gian chiantada!“

A l'ostēria va dūt' incù e dūt' bala,
Vèdli, jon' pēsta fóra la terdéca;

Degùn' a na té gran festa nǔ fala;
Inch a ki k'ēla zēnza gonót scēca
Abina per keš dí da s' la dé bona,
348 Mangian pró n gót dē vin dē dūt na sona.“

Mervoiā per kēl mē fēgi tan plū grana,“
Respògn Gostin, „kē t'ēs kiló perdūda
A mēz kiš chiamp, sentada sū na mana;
Ēl è bēgn vēi, inch kiló fēges parūda,
Mò incū tó póst, mē pēl sī sūn sorara
354 Dē l'ostēria, k'è dlongia Cogolara.“

„Gian bala vigni mǔta“, respògn Tina;
„Inch iū son dē balé e salté dūt mata,
Mò dē kēl sonši bēgn plū k'atres fina,
K'i mē stravérdē per l plū d'èster trata
Da n piz a l'ater, š'ēl n'è da persona,
360 Kē sī valēnta, prōsa, bèla e bona.

Mò scòlta šēgn ed alda mia propósta!
Ēs contēt, š'i tē fēz da balarina?
Balé podons incū, la sēgra è nóstā,
Per mé, kē n'atra fēgē la chietina!
Iū kīr la bona vōia e la contentēza,
366 L divertimēt adum col'inozēnza.“

„Col chiamūrē salti a chiaša šēgn, aspēta!
Dī nē stai fóra nó, mia piča Tina;
Granmēnter scēc a ti l balé m'indlēta,
Cis š'i l pó fa con bèla balarina;
Incū dē bona vōia dūt' orons èster,
372 Insci k'ēl fōssa dí dē san Silvēster.“

Tina e Gostin fó n pér da fa parūda,
Tirā per kēš sū ēi dūtes les odłades,
Revá k'ēi fōva a l'òra dad ēi orūda,
Olá kē les ūž scraia dūt destonades.

Gostin comana zënz'ater na mësà,
378 Senté pró Tina zënza val stramësà.

Avișa scèc n san d'ës, š'ëles somëna,
Va fóra ed it tel sant e düt rabiðșes
Jóra sù e jù dë vigni vérs e šëna,
Scèc ëles fòs con düt' dër desenòșes;
In ùltim pëieles l jór leșir e lascia
384 L pighér e va e sè taca sù na dascia:

Avișa inſcí sa Rún kël dí fageóvi;
Düt' giva sù, spó jù, giva itë e fóra;
Èga dë vita e vin, chi bira boióvi
— Bëgn ma dë ki paorons tòc' dë lăfóra —;
Dó këles mësșes n'ël chi kë chiantava
390 E magari valcùn kë brontorava.

Les bèles jones fëz da dër scicades,
Në bëi kë pùc e fëz trës bòchies agies;
Ai jon' dáles datrái cërtes odlades,
Inscik'ëles mangiès granates o agies;
Sabies ëles, dë chi sapráles ëles,
396 Mò an mësà perdoné, k'ël è mèfo ëles.

Tina al contrario fëz düt atramënter,
Në fëz pró mësà nët nia la scicada,
Mangia e bëi, scèc an dës, senziramënter;
Senzîra e libra è chi súa bèla odlada;
Në fëz la struma, diș düt con manîra,
402 A rí në cigh'la scèc vèdla cevîra.

I balarins, les bèles balarines,
Ki fóva tē mažon ëi sùn sorara;
Dë les bèles rodava iló les fines
Dë düt Colfòsc, Pescósta e dë Corvara;
Cër i pérz, kë da iló trës salta e ródà,
408 Fëz la coriositè na bèla ródà.

An bala bólzer, pòlca bavarèza,
Inch maşûrea con pè peşóc e incómper,
La quadril ón balé a moda franzéza,
Mò troep pèso s'astilen kě nó clómper;
I joblèri fèz gran mé a les orèdles,
414 Múziga sal dē fanes e dē sēdles.

Gostin, l iágher, sen va da iló k'an bala,
Con ěl va gian la bèla balarina;
Nó jon, nó jona iló kēl dí nē fala,
Vignùn kīr sù del bal la gran fogina,
Per ki laorant' iló adum masa strēnta
420 E, bēgn kē daérta, impó dal chialt lorēnta.

Sù l'ara gròia, spinòşa bala Tina;
Ėla bala zevil e con sveltēza,
Róda bèl e dobliēia súa vita fina,
Leşīra scēc na plūma, con ligrēza;
Sù oedli dūt lominuš tradēs la flama,
426 K'è grana tē só cūr per kēl k'ēl'ama.

Tina, kē dē balé n'è mai contēnta,
Damana n'ater bal, dūt la „Forlana“;
Per plū pérz şēgn devēnta l'ara strēnta,
K'an fégē al plū bèl pér lérc, dūt' comana;
Ai joblèri damanen şēgn n'atra aria,
432 N'aria del dūt salvara e straordinaria.

Gostin e Tina bala la Forlana
Con salt', con scrichiamēnt' del dūt salvari,
Róda e salta a manīra veneziana;
O, scēkē fēz datraí i bī Carbonari,
Salti e sciampa e sē kīr indó e s'abina,
438 Sē pēia e sē lascia spó, kē nia nē fina.

Scēc tlaparēč dē bīsces sún pastūra,
Ad aldi n chian ladran, ten còlp s'abina

E desmentìè l mangiè e vigni tlesùra,
Olá k'èles gonót féz gran revina,
Sòfla e chiara bèl frēm dūt spaventades,
444 Batan col pè, devérs l nemic oltades:

Inscí lascia ten còlp i jon', les jones,
I balarins, les bèles balarines,
I gran patrons e dūtes les patrones
Só póst, só vin, la bira e chi les bines,
Chiara e ciùtia, coriùš dūt' vérs la pórtà,
450 L'oedl fit sù na figūra búrta e stórta.

Perchí donca na modazion tan grana?
L salvan dē Pisciadù vèghen sùn pórtà
Conšideran l bèl pér dē la Forlana,
Gostin, sùn só chiapèl na plūma stórta,
Tina, la bèla picera Ladina,
456 Cūcena dal balé scèc na bambina.

„Dē gni jù a sègra n'ái zēnza l'aoşanza,
Kēs m'è proibi da mia vita salvara;
Mò kest an n'ái podù plū fa sconanza
Per chièz afári, k'i á da fa in Arlara;
.I son bèl scialdi vèdl e stauc atira,
462 Per kēs òi palsé e bëi şēgn n gót dē bira.“

Inscí digeó l salvan: dūt'i féz vives;
Dlon chiacolan damanen les nevéles,
K'è sù per Pisciadù e kēles gran rives.
L salvan da maladēt les diš dūt bèleş,
Conta dē Boà, dē Pisciadù e Col Cèdla,
468 Dē Mēşores, insikē na ria vèdla.

Da nū scomēncia l bal, da nū les ródés,
Da nū la pēsten fóra la terdéca
Dēr da catif, insikē l'ó les módes
E k'an fageó a la nóza dē Rebéca;

Da nù indó i salt', da nù les zeremónies
474 Dër mal odúdes soënz da les calónies.

Gostin, nóš iágher, salta a mèša l'ara,
Con ël salta na bèla balarina,
— S'i nē m'ingianē, fóla da Corvara
Ed ava, segù l sai, inòm Tarina —;
Intrami dòì con şèlo ródi e bala,
480 Saltan da n piz a l'ater, nia nē fala.

Tina dlongia l salvan è sòla e pēnsa;
L salvan dē la gaozion sē n'aprofita
E sē tól dē fa l strum şēgn la despēnsa.
A Tina i dāl na odlada cūrta e fita
Ed ëla fōssa prēs da nēscia gnūda,
486 Mò pró les ëles dūt bēl snēl sē mūda.

„Picera“, diš l salvan, „perchi tan śéria?“
As fós da mé, pūr salvergin, val tēma?
Bēl troepa gēnt librē ái da gran meşéria,
Bēgn kē gonót kiló mi var nē frēma.
Consiè sai chi dēr bēgn n'inamorada
492 Scèc té, kē tē tradēs tūa viva odlada.

Şēgn chièz k'i diš, tēgn bēgn tē tūa memória!
Os èster dē tó amòr franca e segūda,
Nē sté kiló a ciaoriè val longia stória!
A tó crestian diras şēgn da d'insciūda,
Kē t'ós avēi dad ël, s'ël nē t'ó manchia,
498 L bēl chiamürč da la cornadūra blanchia.“

Tina, la bèla, pēnsa śeriamēnter,
Chi kē pó di paróles tan stodiades;
Mò in ũltima mināla vèramēnter,
Kē l salvan èssa dit, coionan, matades;
Chiamürč, kē fōssa blanc' dē cornadūra,
504 Credóvela banis da la natūra.

L salvan vèga la mûta pensiròşa,
Lascia lîgher la gënt ligra e contënta,
Lascia la mēşa e l'ara dût spinòşa
E jû per bôsc, la cîra dēr contënta!
Meritē s'ēsl na dërta polifada

510 E bëgn t'i fôssa geûda na scasada.

La lûna plēna e blanchia è intan levada,
Dē mil corûş sdlomina şëgn les pizes,
Kē chiara scēc signâi tē la valada;
Per kēles chiaşes vëghen lumz scēc tizes;
Da l'ostēria sen vai jû per Stangiades

516 Od îa per Brēies dût rōtes e sbogeades.

Val jon resté sa Rûn sē la dá bona,
Val pûr chiocon ten piz sòl sē la conta
O brontōra, ş'ēl è tē na dēr ria ona;
Valeûn dē ki dēr rî la kîr e imponîta,
Ş'ēl n'è tan da zocon da i mēt a vérda,

522 Mò dē kēsta sôrt n'èl pûc' sûra Vérda.

Dlon ciancantan bëgn tért per kēles strades
Sen va i chiocons con ūz dût salvergines;
Pensé nē pēnsi k'a gran strambades;
Nó gënt, nó bèsties, nó alchies, nó giarines
N'è da té bûr lotrons sgriciûş segûdes;

528 Kēles skîres, da dût' èles temûdes.

D'i jon' senzîrz na pért á n'atra oşanza,
A cri vai les crestianes sîn finēstra,
Kē dî bèl t'lèt aspēta con speranza,
Ciaognan, per sē paré la son, ria maēstra.
A dē noet gî i Ladins anticamēnter,

534 Nûş jon', bî prôş del rêst, n'ó fa atramēnter.

Kēla sēra kîr chi Gostin fortûna
E va bèl sòl da olá kē sta la bèla;

L'òra dë dliža bat mèfo dër la ùna,
Can k'ël bèl plan, — san bëgn con gran caotèla —,
Tlocorëia tē finēstra digean: „Tina,
540 Déora l vider, despó ès pa pròsa e fina!“

Pùra Tina, dormi nia nē podóla,
Del salvan les paróles la seecava;
Ía e ca tē só pič lèt trēs sē straogéola,
I cór blanc' del chiamürē la tramentava.
Bèl snèl levada déorla la finēstra,
546 Dē keš afar espërta asá e gran maēstra.

Iló sē l'ái despó bī sūs contada;
Mò Tina intan pensā a la cornadúra,
Kē dēs avēi n chiamürē dē blanc signada;
Savēi dër gian orēsla la pastúra,
Olá kē bocolëia na té chiòra,
552 E del piē la manīra, l tēmp e l'òra.

Dó n pèz digeóla, scèkē nia nē fòssa:
„Gostin, bèl kīt sta šëgn, conté tē mēsi,
Chi k'i á somiè: Iù fò sa Pèra Ròsa,
Ten bèl chiamürē iló, k'i vèg, m' inrēsi;
Š'i n' á súa cornadúra bèla blanchia,
558 Mē sal tel son, èl dūt cant kē mē manchia.“

Gostin respògn: „Kē dūt sī oritē proada,
Kël kē t'as šëgn conté, di nē n'orēssi,
Mò k'èla sibē in gran pèrt dèrt stomada,
Zēnz' ater desmostré, š'i orēs, podēssi;
Tan dē sigū k'i sta sū na paranchia,
564 Na chiòra vèl da cornadúra blanchia.“

„Mi bon Gostin, kël k'i tē diš šëgn, alda:
Šē t'ós mi amòr senzīr, gran plù kē zēnza,
Mi bon pič cūr, k'a aldi tó inòm sē scialda,
— Gonót per kēš brontòra mia cosciēnza —

Kël salvergin vi o mórt da té damani,
570 Per dût mi amòr val d'ater në comani.“

„Tina, në damané val kë në pó èster!
Këla bèstia mës èster bëgn sconada,
Tan segù k'i òi dër bon a san Silvester;
Donca, mia bèla Tina, sis tan priada,
N'orëi vèster insnoet tan capriziòsa
576 E per kël k'i t'á dit nia permalòsa!“

„Vëi sará dût kël tan kë të më diges,
Inchië dë të sforzé a val në m'infidi;
Bëgn fat sará dût chièz kë të deziges,
Mò dë mi amòr per té të n'indesfidi,
Šë në të më consëgnes toš la chiòra,
582 Dë këla kë t'as, péi, na té gran pòra.“

Gostin sen va plëgn dë pensîrz a chiaša;
Bon ól a dús crestianes, a Tanina,
La gana kë da n piz a l'ater pasa,
Mò n bon da mat inch ól a l'atra, Tina,
Līgra, dë bona vóia, bèla e contënta,
588 Bëgn kë pūra ed in mèz a na gran stënta.

Nóš pūr Gostin, tomé èl të la panicia,
Dë sě trá fóra a gran fadia sě próvel,
Mò dût dë ban; scèc pēs të na baricia,
Kë nódà e kīr val búš, mò nia n'i jóvel,
Kīrel ch'èl dë sciampé fóra la strada,
594 Mò la véga da vigni pért sērada.

Tan kiš pensîrz aldel la gran chiampana,
Kë con son tlér ed alt l pastorëč kërda
Dë šìdr plovan devót a mësà grana;
Gostin sě vist dë bóta la braia vërda
E tól da bon e dër crestian la strada,
600 Kë mēna in dërt n pū sòt Còsta Borjada.

La devozion të dlîza è tòs revada;
Fóra in plaz van spó, insci l'ó vèdla oşanza;
I prumz kë rûa na brëia ciafi impontada
Per së senté bèl tòc in radonanza;
I devót' rûa plû tért e in penitënza
606 Mësi sté impè iló in dîta gran preşënza.

Dó spó sen van a bëi l'èga dë vita
A l'ostëria, gonót a gran tlapada;
Impè dë bëi fëz soënz na pért bèla ita;
Ki k'è dë bona vóia, la tól chiantada;
Mò la plû pért con kértés mocorades
612 Dá con sraions dë dër bëles trionfades.

Gostin inch fóva iló pró na gran mēşa,
Pró d'ël dë bī jon' n tlap con bona cīra;
Chi kë l chiamürë copé da Gostin pēşa,
Del còlp spó trat la móda e la manīra,
Del nūmer d'i chiamürë cër les pizades,
618 Dë té cóses tratā les bravatades.

Tra dût' vëgn şëgn Gostiu con la plû bèla,
Contau dë chiðra a cornadûra blanchia;
Ël në diş nia dë gana o dë gonèla,
Mò zënza contel dût, kë nia në manchia;
Degûn' tra i jon' aldi n'á mai na tala,
624 Grana a dût' da spavënt per këş i sala.

Të këla gran mervóia diş Páol La Pòza:
„Kesta cósa mesons pa impó odëi fóra;
— Plan rajonāl, la lēnga avel n pû mòza —
Doman, sī la nēi lūzia o tēgnë a tóra,
Fageondë dût' adum na dërta chiacia
630 Corasú 'n këles pizes cër la dlacia!“

Këstes fóva paróles bëgn pensades,
N té consëi, per dût' fól dë contentëza;

Gostin solmënter déva cër odlades,
Kë desmostrā dūt ater kë ligrēza,
Tért penti dë sūa bōchia masa lérkia:
636 Nia nē para plū l'ēga, kë sē slérkia.

Scorēnta noet chiamó èl per la largūra,
Sū per Sasongher, Boá e Crēp dë Crespēna,
Kë nūš bon' iágrī lascia la planūra,
K'è longia e lérkia e bēl da dī terēna.
E tól con var lešīr vérs Boá la strada,
642 Dë pères, saš, barantli e róa flastrada.

Sūn Plan dë Sūra Saš cūrta fermada
Fégi dūt' cant' t'a mēz a kēles crēpes,
Nó per fa iló na picera palsada,
— Èi ava bon flē, chi bēgn sanes les rēpes —
Mò dë sē desparti l'ái destinada
648 Per fa la chiacia plū grana e slargiada.

Gostin tól dë Mesdí la gran valada;
Só var è pēigher, pēigher plū kë zēnza;
Da ciampa a dërta va gonót sūa odladā
Per spicolē val vèdla conescēnza;
D'odēi spèrel sūa bèla salvergina
654 Sū insom na pala o sūra val levina.

I grif spizá da nū mazel t' la dlacia
Con coragio e con fórza mešorada;
Èl nē skiva nó crēp, nó ēga kë tacia,
Inch i saš nē, kë vēgn con gran šenada;
Iló, olá kë la dlacia è bēl manco ērta,
660 Sē frēmel tē na risa vérs la dërta.

Scèkē setū, kë palsa dó marēna
Da ria fadia, sū l'érba sdraiē morjēla,
Šbalza sū dë spavēnt plēgn e dë pēna,
Mórt da vipra scognūda sòt rodēla:

Inscí sbalzava sù Gostin atira,
666 Šëgn k'ël odó la bèla chiòra Zira.

I cór, k'ël vèga blanc', t'i féz la gòla;
Avèi tè m'i ól, sī a rīs o sī chi a bones,
Pensé pënsel a këla cósà sòla.
Col stlóp chiariè t' la man: „L pones o l scones?“
Sě digel bèl da plan: „šëgn èl la vòlta;
672 Na bala véghi a odëi, šë l destin s' òlta.“

Kestes paróles ál apëna dites,
Kě n bót sēc rendeněš dlonc per pizades,
Per les valades scèkě féz les saites,
Kě stlëfa dùt adum con gran tonades.
Ah, bót fatal, ah, bala desgraziada,
678 Chi bërta as fat iló con túa jorada?

Púra Zira, da còlp mortal tocada,
Dó dūs ródes cër ëla instësa fates,
Con scrái scèc kël dë chiòra scortelada
Tòmela — bošëgn n' ála d'atres trates —,
Berdòra spó con búr šesúr per dlacia
684 E sprinza jú, dùt tóć, t' la gran valacia.

Tratan kě Zira cògora e berdòra,
Alden n búr scrái, n gran ùrl devérs la tana;
Scrái fól kël dë spavěnt plëgn e dë pòra,
Kě gniva da Tanina, nósta gana;
Dó plú da degún' n' èla stada odúda,
690 Da kël moměnt incá per dùt' sparúda.

L búr salvan, plëgn dë blòta cativéria,
La gáoža dë kël gran torměnt e pëna,
Sòla origin dë këla gran mešéria,
Sùn Piz dë Boá ál aldi l rī bót apëna,
K'ël sě dá sùn kël alt na dërta riúda;
696 Mò n bót tel chiè t'i a tút vigni godúda.

Nós pûr Gostin, spari èl inch da kël' òra,
Odû mai plû n'èl sté da val persona
Da degûna sazon, nó tért nó adòra.
Revê sùn ki dlacions èl tē na ria ona;
Kē súa anima sî iló t' ki crēp bandida,
702 S'ó tó a di dē Colfosc la gēnt saorida.

Na man plû tért ciafé an sùn kēla dlacia
Pûc dó kesta desgrazia sozedûda;
Mò can kē l tēmp sùn ki crepons dlone tacia
E dût va iló ad in fûm da gran nevûda,
Can kē dût gonfedëia e sòfla con rabia
708 E kē sta gian a chiaşa inch la gēnt sabia:

Vèghen datrai n bēl pér, kē róda e salta
Fóra per ki dlacions e gran pizades,
Fóra per kēla nēi gonfedada alta,
Fagean gonót dē dēr bëles slitades:
Ëi bala con gran şelo la Forlana,
714 Ëi la bala con fûria veneziana.

II. L Signal.

Aldís iló a mēşa noet kēl stlinghinamēnt
Jû sòt Corvára jûn ki Plans dlongia rû?
Ël è l Bracon asasinè con tradimēnt
4 Da kēl da Còz, l plû gran lotron dlone temû.

Odès, sùn chiaval blanc cavalîr sporoman
Travêrs i Plans e sùra l'èga ía dē sbonf?
Francësc dē Brac va dlon kirian tē kēl bēl plan
8 Sô gran nemic per gran vendëta e gran trionf.

Chiarèdē iló dòl cavalîrz dē fosc vestis,
Tē la lûm dē la lûna tlér sdlominan!